

U ime Allaha, Milostivog, Samilosnog

PREVOD HUDBI

19.12.2008. - 26.12.2008.



بِسْمِ اللَّهِ الرَّحْمَنِ الرَّحِيمِ ۞

نَحْمَدُهُ وَنُصَلِّي عَلَى رَسُولِهِ الْكَرِيمِ ۞

الْحَمْدُ لِلَّهِ رَبِّ الْعَالَمِينَ -

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 19. decembra 2008.

Božiji atribut Ašaafi “Izlječitelj”

Kratki sadržaj hudbe koju je 19. decembra 2008. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Poslije učenja sure Al Fatiha, Huzur a.t. je započeo hudbu opisivanjem stanja bolesti ljudi širom svijeta koji su napadnuti bolestima i o kvalitetu zdravstvene brige koju primaju, ovisno od toga da li žive u razvijenim zemljama ili zemljama trećeg svijeta. Huzur a.t. je rekao da u stanovitim uvjetima, ljudi napadnuti izvjesnim bolestima traže odgovarajuću medicinsku brigu na modernim sredstvima, pa ipak se možda oporave ili ne oporave. Slično, u nedovoljno razvijenim zemljama, opaženo je da mnogi napadnuti bolešću nemaju mogućnosti ili sredstava da traže medicinsku pomoć, pa ipak se oporave kroz moć molitve svojih starješina

ili svojih dragih. Ovo dokazuje da je zaista Bog, Izlječitelj, taj koji ima moć da podari zdravlje i izlječenje, i vjernik ima čvrstu vjeru u ovaj Allahov atribut. Zaista oporavak osobe napadnute bolešću do potpunog ozdravljenja je vjerom nadahnjujuće čak za vjernika. Allah obezbjeđuje ozdravljenje ne samo za ljudska bića, nego za Svoje cijelo stvaranje, uključujući životinje, kao i bilje. Huzur a.t. je rekao na ovaj način, Bog ne samo da obezbjeđuje fizičko izlječenje nego i psihičko, i za taj cilj On šalje ljudima Vjerovjesnike i Poslanike i pobožne ljude da ih upute; međutim u ovoj hudbi, Huzur a.t. će se usredsrediti na to da Bog obezbjeđuje fizičko ozdravljenje ljudi.

U moderno doba, čovjek je napravio veliki napredak na polju medicine i medicinske tehnologije, no to je zbog inteligencije koju je Bog dao čovjeku kao naklonost njemu da je on u stanju da napravi ovakav napredak. Istinski vjernik se uvijek okreće samo Allahu za izlječenje. Časni Poslanik s.a.v.s. je rekao ljekarima: *“Vi ste samo ublažitelji svom pacijentu. Njegov liječnik je On Koji ga je stvorio, to jest Allah.”* Život Obećanog Mesije a.s. također baca svjetlo na ovu temu gdje nalazimo da on nije želio da uzme tretman od ljekara koji nije imao vjeru u postojanje Boga i vjerovao je da moć izlječenja leži u njegovim vlastitim rukama, jer takav liječnik bi tvrdio božanstvo za sebe.

Huzur a.t. nas je podsjetio da je moderni napredak u medicinskoj tehnologiji i hirurgiji priuštio čovjeku duži životni vijek i popravilo kvalitet njegovog života, ali ovo ne treba da razvije mišljenje da je čovjek stekao božanske attribute i da od sebe može osigurati izlječenje. Treba da zapamtite da ovaj napredak također pripada Bogu Lično koji je omogućio čovjeka da stekne znanje da razvije ove tehnologije. Huzur a.t. je skrenuo pažnju Ahmadi doktora i liječnika širom svijeta da prvo i prije svega zapamte ovaj princip da je jedino Bog Izlječitelj i skupa sa tretmanom, oni treba da mole za svoje pacijente s ciljem da osiguraju Božije zadovoljstvo. Ova čvrsta vjera u Boga pokazana od Ahmadi doktora dat će im bolju sposobnost da liječe, i njihova vjera u Boga će se povećati, što će zauzvrat učiniti da se povećaju u duhovnosti. U drugu ruku, ljudi napadnuti bolešću također ne treba da misle da će to što posjećuju određenog doktora ili određenu bolnicu postati uzrok njihovog izlječenja, nego da je jedino Božija milost i samilost to što će im dati oporavak do potpunog ozdravljenja. Huzur a.t. je rekao da pisma koja prima iz cijelog svijeta u kojima ljudi traže dove za svoje drage koji

prolaze kroz medicinske probleme svjedočenje je činjenici da Ahmadi muslimani imaju čvrstu vjeru u izlječiteljnu moć dova i oslanjaju se isključivo na Boga za potpuno izlječenje. Oni koji vjeruju da izlječenje dolazi od određenih doktora koračaju granicama skrivenog širka (pripisivanja partnera Allahu). Huzur a.t. je naveo događaj iz života dr Mir Muhammeda Ismail sahiba, čiji je bratić umro na njegovim rukama, uzrokujući da njegova snaha uvidi da istinsko izlječenje dolazi samo od Boga, i doktor jedino igra ulogu posrednika omogućavanja tretmana, koji samo može biti koristan ako Bog tako hoće, i to je razlog zašto se traže dove na svakom koraku ovog puta.

Bog je obezbjedio lijek za svaku bolest, i mnoge trave i insekti imaju takve lijekove (na primjer zmijin otrov). Jedan takav primjer je primjer pčele - da opiše medicinska svojstva meda, Časni Kur'an je upotrijebio termin "Šafa-ul lin-naasi" to jest

"u tome je zdravlje za ljude." (16:70)

Istraživanje meda je omogućilo mnoge koristi svijetu. Ovih dana, međutim, pčela je napadnuta izvjesnom bolešću - koju izaziva virus - koja izaziva njihovo široko rasprostranjeno izumiranje i istraživači su zabrinuti da, ako uskoro ne nađu lijek, pčele možda izumru širom svijeta ili u određenim dijelovima svijeta za nekoliko godina. Huzur a.t. je, međutim, dao svoje razmišljanje u ovoj temi govoreći da, pošto je pčela bila spomenuta u Časnom Kur'anu koji je knjiga za sva vremena, pčela nikada neće izumrijeti; međutim, ona možda nestane iz određenih oblasti kao forma kazne. Pošto je sistem objave također povezan sa pčelom, Bog će to zasigurno učiniti znakom za one koji vjeruju u Njegovo jedinstvo. Huzur a.t. je poticao Ahmadi muslimane da idu u istraživanje ovog polja i drugih oblasti, jer će im to dati priliku da se čvrsto utemelje u razvijenim zemljama. Ako ima nekih Ahmadi muslimana koji već rade u ovoj oblasti (istraživanja pčela), treba da odmah kontaktiraju Huzura.

Huzur a.t. je spomenuo neke događaje iz života Časnog Poslanika s.a.v.s. koji je otkrio neke pojedine vrste hrane da sadrže ljekovitu moć. Neke od njih su hurme, med, kalonji (sjeme crnog luka), određena vrsta jestivih gljiva (korištenih za liječenje očiju), voda (lijek protiv temperature), itd. Izvijesteno je da je Časni Poslanik s.a.v.s. također rekao da, ako muha (ili insekt) padne u tekućinu, treba da je cijelu

potopimo u tu tekućinu, zato što jedno krilo ima ljekovitu sposobnost, dok drugo ima infektivnu sposobnost. Ova informacija, koja je od Allaha bila unaprijed kazana Časnom Poslaniku s.a.v.s. prije 1400 godina, nedavno je bila otkrivena od istraživača koji su na muhi našli protiv bakteriološku i antibiološku sposobnost. Jedan istraživač u Tokiju čak tvrdi da muhe mogu povećati imunološki sistem i da imaju enzime koji ubijaju stanovitu bakteriju. Vraćajući se glavnoj temi, Huzur a.t. je istakao da je Časni Poslanik s.a.v.s. uvijek insistirao na dovi i sadaki (davanju u dobrotvorne svrhe) da pomognu u liječenju bolesti, kao i da osoba treba da isključivo ovisi o Bogu za oporavak od svake vrste bolesti. Huzur a.t. je naveo određene druge događaje iz života Časnog Poslanika s.a.v.s. gdje je on izliječio svoje drugove moleći se Allahu dž.š. za Njegovu dobrotvornost. Huzur a.t. je dalje objasnio ovu tačku opisujući nekoliko događaja iz života Obećanog Mesije a.s., koji je također omogućio lijek za ljude tek moleći (Boga) za njihovo ozdravljenje, imajući čvrstu vjeru u Božije izlječiteljske sposobnosti. Najvažnija stvar da zapamtimo je da bolest i zaraza dolaze od Boga, i da tako zdravlje i izlječenje dolaze samo od Boga; zato osoba treba da padne na sedždu pred Njim i moli za Njegovu milost i traži Njegovu božansku pomoć i čvrsto vjeruje u Njegov atribut Ašaafi i onda ostane zadovoljan s Njegovom voljom. Da Allah primi naše molitve u prilog naših dragih i podari zdravlje svima. Amin.

Hudba 26. decembra 2008.

Božiji atribut Ašaafi ('Izlječitelj')

(nastavak)

Kratki sadržaj hudbe koju je 26. decembra 2008. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

U nastavljanju teme hudbe prošlog petka, Huzur a.t. je današnju hudbu koncentrisao na aspekt duhovnog liječenja koji je također dio

Božijeg atributa *Ašaafi* (Izlječitelj). Nakon učenja sure Al Fatiha, Huzur a.t. nas je podjsetio da je Bog izvor svog liječenja; i kad molitva postaje izvor takvog čudesnog izliječenja kroz Božiju volju, vjernik pravi veliki napredak u svojoj vjeri u Božije jedinstvo i Njegovu vlast nad stvaranjem, i on je podsjećen o svrhi u životu koji je da nastavi da napreduje i pospješuje u duhovnosti. Allah Svemogući nas podsjeća da je čovjek stvoren da Njega obožava i da sluša Njegove naredbe. Velika je naklonost Allahova da nam je On dao potpunu uputu u formi Časnog Kur'ana kroz Časnog Poslanika s.a.v.s. Huzur a.t. je rekao da, kao što je med lijek za fizičke bolesti (detalji o tome su u prošloj hudbi), tako je med lijek za bolesti duše, ako se zamislimo. Huzur a.t. je predstavio seriju ajeta časnog Kur'ana da objasni ovu tačku.

U Časnom Kur'anu čitamo:

"I Gospodar tvoj je objavio pčeli: 'Pravi kuće u brdima i u drveću i u onim (biljkama) penjačicama koje oni visoko podupru," (16:69)

Ako istražujemo po ovom ajetu, obična pčela je kroz objavu bila podučena načinu i procesu pravljenja meda, lijeka za fizičke bolesti, i sve životinje su, zapravo, upućene na sličan način. U stvarnosti, objava je neophodna za svaku aktivnost, prema tome, kako čovjek može odbiti vrijednost ove Božije šeme. Obećani Mesija a.s. je rekao da ovosvjetski čovjek vjeruje da su mu dovoljni njegovi vlastiti naponi da postigne uspjeh u svim svojim nastojanjima, ali mi moramo zapamtiti da bez dova nema uspjeha, i što postignemo kao rezultat ovih dova također je vrsta objave. Čovjek treba da se brine ne samo o postizanju uspjeha na ovom svijetu, nego također na ahiretu. Božiji je zakon da On šalje uputu kroz Svoje poslanike i svete ljude. U pogledu ovoga, On je dao Svoju najveću naklonost i milost ljudima slanjem Časnog Poslanika s.a.v.s., savršenog čovjeka, i objavljujući mu Časni Kur'an – potpunu i savršenu uputu i izvor fizičkog i duhovnog liječenja.

U hadisu nalazimo da je jedan od drugova (Poslanika) otišao vođi jednog plemena i liječio ga uz pomoć sure Fatiha. Ovom drugu je data naknada za liječenje koju je on odbio. Po povratku, Časni Poslanik s.a.v.s. je bio zadovoljan njegovom metodom liječenja, ali je također rekao da je imao pravo da primi naknadu, ali da nikada ne smije tražiti plaćanje. (Buhari). Ovaj hadis baca svjetlo na činjenicu da Časni Kur'an sadrži liječenje za sve vrste bolesti. To je Riječ Božija objavljena, ali nije kraj

objave. Prije dolaska Časnog Poslanika s.a.v.s., Bog je govorio sa svim poslanicima, i slično, ovaj proces se nastavlja čak danas. Obećani Mesija a.s. kaže da je, nakon što je Tevrat bio objavljen poslaniku Musau a.s., Bog nastavio slati poslanike u njegovoj lozi da podsjeti narode da slijede put istinitosti. Prema tome, objava je proces koji se nastavlja i danas, i Obećani Mesija a.s. je bio određen da u moderna vremena oživi učenja Časnog Kur'ana i usadi ova učenja širenjem ove riječi nadaleko i naširoko. Ova misija se nastavlja pod okriljem Halifata danas. Ako analiziramo situaciju muslimanskog svijeta danas, ne nalazimo da muslimani imaju korist od učenja Časnog Kur'ana uprkos što je prisutna ova Knjiga i učeni ljudi koji pišu komentare i objašnjavaju njegova učenja. Da li ovo znači da je, Bože sačuvaj, Kur'an izgubio svoje uzvišeno značenje za moderni svijet? Apsolutno ne! Ono što ovo znači je da su učeni ljudi koji tvrde da razumiju ovu Knjigu izgubili svoju sposobnost da istinski shvate njena učenja i danas je jedini put koji vodi njegovom razumijevanju utrt od Ahmadija zajednice. Da Allah uputi muslimanski ummet Ispravnom putu, amin.

Huzur a.t. je onda proučio slijedeće ajete:

“A Mi objavljujemo od Kur'ana što liječi i što je milost vjernicima; ali to silnicima ne povećava ništa osim gubitka.” (17:83)

“Ovo je Knjiga u koju nema sumnje; upućuje bogobožne,” (2:3)

Iz ovih ajeta je jasno da je uputa iznesena u Kur'anu za one čija su srca čista. Ako ova učenja stavi u praksu, čovjek će napredovati u duhovnosti. Ali Huzur a.t. je objasnio da baš kao što medicina jedina ne može izliječiti - važno da slijedimo naredbe upotrebe i prikladnog načina uzimanjem toga, slično, ova uputa je prisutna, ali ljudi ne znaju kako da je slijede. Obećani Mesija a.s. je rekao da mnogi koji su ušli u Džemat su bili oni koji su se upuštali u sve vrste loših navika prije svog zavjeta odanosti, pa ipak, nakon pristupa Džematu oni su izveli velike promjene u svojim navikama i drže veliku želju da se očiste od svih loših navika. Huzur a.t. je rekao da su ovo jasni pokazatelji da je danas jedini put spasa kroz Obećanog Mesiju a.s., i zato vjernici treba da se raduju da su nasljednici obećanja sadržanih u Kur'anu i da će rezultat ovih obećanja biti u njihovu korist.

“O ljudi! Zaista vam je došao savjet od Gospodara vašega i također lijek za (bolest) grudi, i uputa i milost vjernicima.” (10:58)

U ovom ajetu Bog se obraća cijelom čovječanstvu, upozoravajući ih da ne potcijene važnost ove Knjige ili ovog Poslanika. Časni Kur'an sadrži sve vrste upute za čovjeka da postane ispravan i pobožan. Poslanik je milost za cijelo čovječanstvo koji nas također upućuje ka Božijoj milosti. Kroz njih, čovjek može naći istinsku svrhu svog stvaranja i slijeđenjem ove upute poboljšati ne samo svoje ovosvjetske poslove nego također svoj položaj na ahiretu. Ako se duboko zamislimo, ovaj ajet odgovara na one optužbe protiv islama koje ga optužuju o nametanju svoje poruke silom na ljude. Ovaj ajet sadrži samo prijedlog i savjet od Allaha, čisto za našu vlastitu korist. Zato Ahmadi muslimani treba da osjećaju simpatiju prema ljudima i sa ovom simpatijom treba da pozivaju svakog čovjeka da bude bliže Bogu jer ovo je jedini način za postizanje spasa. Huzur a.t. je rekao da mali su dio ekstremista orobili (oteli) ime islama i zbog njihovih neprijateljskih aktivnosti, islam zarađuje netačne optužbe. Zbog toga, dužnost je svakog Ahmadi muslimana da svijetu pokaže krasna učenja islama.

Huzur a.t. je također spomenuo da su srce i duša povezani. Istraživanje u ovom polju također dokazuje da je ovo do velike mjere tačno. Spominjanje Boga smiruje srce, um i takođe dušu. U pogledu ovoga, Huzur a.t. je spomenuo *Tahir Institut za srce* u Rabvi, gdje Ahmadi doktori (Huzur je posebno spomenuo dr. Nooria) obavljaju ogroman posao i njihov tretman skupa sa dovama čudnovato liječe pacijente. Doktori iz inostranstva su zabezegnuti nad oporavkom nekih pacijenata. Da Allah osposobi ove doktore da nastave da služe čovječanstvu. Amin.

“A da smo Mi Kur'an objavili na stranom jeziku (nejasnom), oni bi sigurno rekli: 'Zašto njegovi ajeti nisu učinjeni jasnim (razumljivim)? Zar strani jezik i Arap (mogu li oni biti jednaki)?' Ti reci: 'On je uputa i zdravlje za one koji vjeruju.' A koji ne vjeruju, u njihovim ušima je gluhoća, i to je za njih skriveno. Oni kao da su pozvani sa dalekog mjesta.” (41:45)


U ovom ajetu Bog kaže da ima nekih ljudi koji će uvijek naći neki nedostatak kad im dođe uputa. Oni su gluhi i ne mogu biti uvjereni. Oni su sebe udaljili do dalekog mjesta i ne žele da čuju poruku. Huzur a.t. je spomenuo da oni zapadnjaci koji nastavljaju da nalaze nedostatke bez nastojanja da razumiju istinsku poruku, spadaju u ovu kategoriju ljudi. Nasuprot, ima drugih koji žele da imaju korist od ove upute i ovo

su oni čija srca su čista. Zbog toga njima Allah pomaže u njihovom naporu i nagrađuje ih Svojom milošću.

Na kraju Huzur a.t. je činio dovu i tražio od Ahmadi muslimana da čine dove za cijeli muslimanski ummet. Da ih Allah uputi da razumiju istinska značenja Časnog Kur'ana i ponovo vrate svoju izgubljenu slavu i visoko podignu zastavu islama. Da im Allah dadne inteligenciju da nađu lijek za svoje duhovne bolesti. Da Allah osposobi sve nas da ostanemo istiniti prema svom razumijevanju ove Časne Knjige i nastavimo da ubiremo koristi od nje. Amin.



Ahmadiyya Muslim Jama'at za Bosnu i Hercegovinu



AHMEDIJA CENTAR:
 Tuzlanska 1 b, 71000 Sarajevo, BOSNA I HERCEGOVINA
 Telefon/fax: 00387 / 33 612 612
www.ahmadija.ba

Ljubav svakome, mržnja nikome!